

საქართველოს საჯარო დაწესებულებების საინფორმაციო (ინტერნეტ) რესურსების მონიტორინგი - 2011

კვლევის ძირითადი მიზნები:

- საქართველოს საჯარო დაწესებულებების გამჭვირვალობის ხარისხის ამაღლება;
- ინფორმაციის თავისუფლების განვითარების ხელშეწყობა;
- საქართველოში ინფორმაციის თავისუფლებასთან დაკავშირებული საკანონმდებლო ცვლილებების ინიცირება;
- საქართველოში ელექტრონული მმართველობისა და ელექტრონული გამჭვირვალობის განვითარება.

საჯარო სამართლის იურიდიული პირის - საქართველოს ფინანსთა
სამინისტროს საგამოძიებო სამსახურის ოფიციალური ვებ-გვერდის
(www.is.ge) საინფორმაციო გამჭვირვალობისა და ელექტრონული
მმართველობის შეფასებითი მონიტორინგი

2011 წლის 25 ოქტომბერი

ყველა უფლება დაცულია

ინფორმაციის თავისუფლების განვითარების ინსტიტუტი

ა. მაჭავარიანის ქ. №4, ბინა1. 0179. საქართველო, თბილისი.

Tel: +995322 996364.

www.idfi.ge / www.opendata.ge


info@idfi.ge




საჯარო სამართლის იურიდიული პირი - საქართველოს ფინანსთა
სამინისტროს საგამოძიებო სამსახური

www.is.ge

გამოვლენილი ძირითადი ხარვეზები და რეკომენდაციები






საჯარო სამართლის იურიდიული პირის - საქართველოს ფინანსთა სამინისტროს საგამომიებო სამსახურის ვებ-გვერდზე არ მოიძიება:

➤ ზოგადი ინფორმაცია საჯარო დაწესებულების შესახებ

1. ვებ-გვერდზე არ არის მოცემული სამსახურის ხელმძღვანელობის შესახებ შემდეგი სახის ინფორმაცია:

- არ მოიძიება სამსახურის უფროსის სახელი და გვარი, ფოტოსურათი, ვრცელი ბიოგრაფიული მონაცემები, კომპეტენციის აღწერა, აგრეთვე, მისი არანაირი საკონტაქტო რეკვიზიტი - სამუშაო ელ.ფოსტა, მისაღების (თანაშემწის) ტელეფონისა და ფაქსის ნომრები;
ამასთან, სამსახურის მოქმედი დებულების თანახმად სამსახურის უფროსს საქართველოს ფინანსთა მინისტრის საქართველოს პრემიერ-მინისტრთან შეთანხმებული წარდგინებით თანამდებობაზე ნიშნავს და თანამდებობიდან ათავისუფლებს საქართველოს პრეზიდენტი. სასურველია, ხსენებულთან დაკავშირებით გაკეთდეს შესაბამისი აღნიშვნა.
- არ მოიძიება სამსახურის უფროსის მოადგილეების სახელები და გვარები, ფოტოსურათები, ვრცელი ბიოგრაფიული მონაცემები, აგრეთვე, მათი არანაირი საკონტაქტო რეკვიზიტები - სამუშაო ელ.ფოსტები, მისაღებების (თანაშემწეების) ტელეფონისა და ფაქსის ნომრები.

სასურველია, ვებ-გვერდზე შეიქმნას განცალკევებული (ქვე-)განყოფილებები სათაურად „სამსახურის უფროსი“ და „მოადგილეები“, სადაც განთავსდება მათ შესახებ ყველა სახის ზემოაღნიშნული ინფორმაცია:



2. არ მოიძიება ვებ-გვერდის ოფიციალურობის დამადასტურებელი წერილობითი აღნიშვნა, სამსახურის შენობის მდებარეობის აღმნიშვნელი რუკა, საფოსტო მისამართი (საფოსტო ინდექსზე მითითებით), სამსახურის ელექტრონული ფოსტის მისამართი და ფაქსის ნომერი.

3. ვებ-გვერდზე მოცემულია სამსახურის საკონტაქტო ტელეფონის ნომერი, თუმცა სასურველია, აქვე მითითებულიც იყოს, რომ მოცემული ნომერი წარმოადგენს საზოგადოებასთან ურთიერთობის სამსახურის ტელეფონის ნომერს:

თბილისი

საგამომიებო სამსახური

თბილისის სამმართველო


ქ. თბილისი. უნივერსიტეტის ქუჩა N 2

ტელ: +995 (32) 26 20 18

4. ვებ-გვერდზე არ მოიძიება სამსახურის სრული სარეკვიზიტო ცნობარი (სტრუქტურული ერთეულებისა და ტერიტორიულ-ოპერატიული საგამომიებო ორგანოების სატელეფონო ცნობარი, ელ. ფოსტა და ფაქსის ნომრები), აგრეთვე, არ მოიძიება სამსახურის მიერ ფიზიკური და იურიდიული პირების მიღების და მათთან მუშაობის გრაფიკი.

5. ვებ-გვერდზე არ არის მოცემული სამსახურის დაფუძნების თარიღიდან მოყოლებული დეტალური საქმიანობის ისტორია;

ვებ-გვერდზე არსებული განყოფილება სათაურად „ისტორია“ ცარიელია:



6. ვებ-გვერდზე არ მოიძიება სამსახურის ამოცანების აღწერა.

➤ საჯარო დაწესებულების სისტემა/სტრუქტურა

7. ვებ-გვერდზე არ მოიძიება სამსახურის სტრუქტურის შესახებ შემდეგი სახის ინფორმაცია, კერძოდ:

- არ მოიძიება სტრუქტურული ერთეულებისა და ქვედანაყოფების ჩამონათვალი;

- არ მოიძიება სტრუქტურული ერთეულებისა და ქვედანაყოფების ძირითადი ამოცანების აღწერა;
- არ მოიძიება სტრუქტურული ერთეულებისა და ქვედანაყოფების ხელმძღვანელების სახელები და გვარები, ფოტოსურათები, ვრცელი ბიოგრაფიული მონაცემები, კომპეტენციის აღწერა და აგრეთვე, მათი საკონტაქტო რეკვიზიტები: სამუშაო ელ.ფოსტები, მისაღების (თანაშემწეების) ტელეფონისა და ფაქსის ნომრები;
- არ მოიძიება სტრუქტურული ერთეულებისა და ქვედანაყოფების ელექტრონული ფოსტის მისამართები და საკონტაქტო ტელეფონის ნომრები.

8. ვებ-გვერდზე არ მოიძიება სამსახურის ტერიტორიული ოპერატიულ-საგამოძიებო ორგანოების შესახებ შემდეგი სახის სახის ინფორმაცია:

- არ მოიძიება ტერიტორიული ოპერატიულ-საგამოძიებო ძირითადი ამოცანების აღწერა;
- არ მოიძიება ტერიტორიული ოპერატიულ-საგამოძიებო ხელმძღვანელების სახელები და გვარები, ფოტოსურათები, ვრცელი ბიოგრაფიული მონაცემები, კომპეტენციის აღწერა და აგრეთვე, საკონტაქტო რეკვიზიტები: სამუშაო ელ.ფოსტები, მისაღების (თანაშემწეების) ტელეფონისა და ფაქსის ნომრები;
- არ მოიძიება ტერიტორიული ოპერატიულ-საგამოძიებო საფოსტო მისამართები (საფოსტო ინდექსზე მითითება) და შენობათა მდებარეობის (ქუჩების) აღმნიშვნელი შესაბამისი რუკები;
- არ მოიძიება ტერიტორიული ოპერატიულ-საგამოძიებო ელექტრონული ფოსტის მისამართები და ფაქსის ნომრები.

➤ **მონაცემები საჯარო დაწესებულების საინფორმაციო რესურსების შესახებ**

9. ვებ-გვერდზე არ არის მოცემული შემდეგი სახის მნიშვნელოვანი მონაცემთა ბაზები: არ არსებობს ვაკანსიათა და ტენდერების არქივი (არ არსებობს ტენდერების შესაბამისი (ქვე)-განყოფილება), საერთაშორისო და ადმინისტრაციული ხელშეკრულებები, სამსახურის საქმიანობის ამსახველი წლიური ანგარიშები, (მათ შორის სტატისტიკური აღრიცხვისა და ანალიტიკური სამმართველოს მიერ მომზადებული საგამოძიებო დეპარტამენტის ორგანოების შემაჯამებელი ანგარიშები), სტატისტიკური მონაცემები, (მათ შორის სტატისტიკური აღრიცხვისა და ანალიტიკური სამმართველოს მიერ შემუშავებული სამსახურის სისტემაში დანაშაულობათა

სტატისტიკური ანალიზი), პროგრამები და პროექტები, გეგმები და პროგნოზები, ფინანსური ხასიათის მაჩვენებლები და ა.შ.

ამასთან, ცარიელია ვებ-გვერდზე არსებული შემდეგი განყოფილებები:

- განყოფილება, სათაურად „ისტორია“:



- განყოფილება (ბანერის სახით), სათაურად „ისტორია“:



- განყოფილება, სათაურად „არქივი“:



- განყოფილება, სათაურად „ვაკანსიები სტაჟირება“:



ამასთან, არ იხსნება ვებ-გვერდზე არსებული განყოფილებები, სათაურად „სტატისტიკა“:



- ძირითადი კომპეტენციის სფეროში საჯარო დაწესებულების საქმიანობის შესახებ ცნობები

10. ვებ-გვერდზე არ მოიძიება სამსახურის უფროსისა და მისი მოადგილეების გამოსვლების, განცხადებების, ბრიფინგების ტექსტები.

11. ვებ-გვერდზე არ არსებობს (ქვე-)განყოფილება „წლიური ანგარიშები“, სადაც განთავსდებოდა სამსახურის საქმიანობის ყოველწლიური ანგარიში და მიმდინარე კვარტალური მოხსენებები/ანგარიშები.

12. ვებ-გვერდზე არ მოიძიება სამსახურის მიერ შეგროვებული და დამუშავებული ოფიციალური სტატისტიკური ინფორმაცია და მონაცემები იმ ძირითადი მაჩვენებლების შესახებ, რომლებიც

ასახვევს სამსახურის საქმიანობის ძირითად სფეროებში არსებულ სიტუაციასა და მათ განვითარების დინამიკას.

13. ვებ-გვერდზე არ არსებობს განყოფილება „პროგრამები/პროექტები“, სადაც მოყვანილი იქნებოდა იმ პროგრამების/პროექტების ჩამონათვალი და მათ შესრულების შესახებ (წლიური) მოხსენებები, რომელთა დამკვეთს, შემსრულებელს ან რეალიზაციაში რაიმე სახით მონაწილე მხარეს წარმოადგენს სამსახური. აგრეთვე, სასურველია, მოიძიებოდეს ცნობები იმ პროგრამების/პროექტების ფარგლებში მიმდინარე ღონისძიებების შესახებ, რომელთა რეალიზაციაში მონაწილე მხარეს წარმოადგენს სამსახური.

14. სასურველია, ვებ-გვერდზე არსებობდეს (ქვე-)განყოფილებები „საერთაშორისო პარტნიორობა“ და „პარტნიორობა საქართველოს ორგანიზაციებთან“, სადაც მოყვანილი იქნება პარტნიორობის შესაბამისი ტექსტური ინფორმაციული აღწერა და სამსახურის პარტნიორ ორგანიზაციათა ვებ-გვერდების ბმულები.

➤ **სამართლებრივი აქტები და საჯარო დაწესებულების ნორმაშემოქმედებითი საქმიანობა**

15. ვებ-გვერდზე არსებულ განყოფილებაში სათაურად „იურიდიული დოკუმენტები“ განთავსებული თითქმის ყველა სამართლებრივი აქტი მოცემულია ძველი მდგომარეობით, მათ შორის, ამავე განყოფილებაში არსებული ქვე-განყოფილების „კანონქვემდებარე აქტები“ განთავსებული სამსახურის დებულება:

> სამსახურის შესახებ	საქართველოს ფინანსთა სამინისტროს საგამოძიებო სამსახურის დებულების დამტკიცების თაობაზე
> ისტორია	საქართველოს ფინანსთა სამინისტროს საგამოძიებო სამსახურში სამსახურის გავლის წესის დამტკიცების შესახებ
იურიდიული დოკუმენტები	საქართველოს ფინანსთა სამინისტროს საგამოძიებო სამსახურის თანამდებობებისათვის სპეციალური საკვალიფიკაციო მოთხოვნების დამტკიცების შესახებ
> სიახლეები	საქართველოს ფინანსთა სამინისტროს საგამოძიებო სამსახურის თანამშრომელთა კონკურსისა და ატესტაციის ჩატარების წესის დამტკიცების შესახებ
> სტატისტიკა	საქართველოს ფინანსთა სამინისტროს საგამოძიებო სამსახურში სტაჟიორის უფლებამოსილების, შერჩევის და სამსახურის გავლის პირობების შესახებ დებულების დამტკიცების თაობაზე
> ანკეივა	საქართველოს ფინანსთა სამინისტროს ცენტრალური აპარატისა და სამინისტროს სისტემის მოსამსახურეებისათვის სახელმწიფო სპეციალური წოდებების მინიჭების შესახებ დებულების დამტკიცების თაობაზე
> ვაკანსიები სტაჟირება	
> ბმულები	

მოცემულ ქვე-განყოფილებაში სასურველია, განთავსდეს აგრეთვე, სამსახურის საქმიანობის (მმართველობის) სფეროსთან დაკავშირებული საქართველოს პრეზიდენტის, საქართველოს მთავრობის სამართლებრივი აქტები და სამართლებრივი აქტების პროექტები; ასევე, სამართლებრივ საკითხთა და საერთაშორისო ურთიერთობების სამმართველოს მიერ მომზადებული სამსახურის საქმიანობის მარეგულირებელი სამართლებრივი აქტების პროექტები, კადრების სამმართველოს მიერ შემუშავებული სამსახურის შინაგანაწესი და სამსახურის უფროსის ბრძანებების რეესტრი, სამსახურის უფროსის მიერ გამოცემული ინდივიდუალურ

ადმინისტრაციულ-სამართლებრივი აქტები, მათ შორის სპეციალური დანიშნულების რაზმისა და სპეციალურ გამოკვლევათა და ექსპერტიზის დეპარტამენტის უფროსების და მათი მოადგილეების უფლებამოსილებების განმსაზღვრელი ბრძანება.

ამასთან, შემდეგი სამართლებრივი აქტები - სამსახურის დებულება და შინაგანაწესი სასურველია, მოიძიებოდეს ცალკეულ (ქვე-)განყოფილებებში.

სასურველია, აღნიშნულ განყოფილებაში აგრეთვე, მოიძიებოდეს შემდეგი სამართლებრივი აქტებიც:

- საქართველოს კონსტიტუცია;
 - საქართველოს ზოგადი ადმინისტრაციული კოდექსი;
 - საქართველოს კანონი „საქართველოს მთავრობის სტრუქტურის, უფლებამოსილებებისა და საქმიანობის წესის შესახებ“;
 - საქართველოს საგადასახადო კოდექსი;
 - საქართველოს საერთაშორისო ხელშეკრულებები და შეთანხმებები.
- **საჯარო დაწესებულების საქმიანობის წესი, რომელიც მიზნად ისახავს ფიზიკურ და იურიდიულ პირთა უფლებების, თავისუფლებებისა და კანონიერი ინტერესების უზრუნველყოფას**

16. ვებ-გვერდზე არ მოიძიება ფიზიკურ და იურიდიულ პირთა მიმართვათა მიმოხილვა.

17. ვებ-გვერდზე არ არსებობს საჯარო ინფორმაციასთან დაკავშირებული განცალკევებული განყოფილება. არ მოიძიება საჯარო ინფორმაციის ხელმისაწვდომობის უზრუნველყოფაზე პასუხისმგებელი საჯარო მოსამსახურის ვინაობის (სახელი და გვარი), თანამდებობისა და საკონტაქტო რეკვიზიტების შესახებ ინფორმაცია, საჯარო ინფორმაციის გაცემაზე უარის თქმის შესახებ მიღებულ გადაწყვეტილებათა გასაჩივრების შესახებ ცნობები და სამსახურში შესული საჯარო ინფორმაციის გაცემასა და გაცემის მოთხოვნაზე უარის თქმის თაობაზე მიღებულ გადაწყვეტილებათა რაოდენობის შესახებ ინფორმაცია. აგრეთვე, ვებ-გვერდზე არ არის წარმოდგენილი ადმინისტრაციული საჩივრისა და საჯარო ინფორმაციის მოთხოვნის ჩამოსატვირთი ფორმები/ნიმუშები.

- საჯარო დაწესებულების საქმიანობის ფარგლებში მიმდინარე სახელმწიფო შესყიდვების, სახელმწიფო ქონების პრივატიზების, ხელშეკრულებების გაფორმების შესახებ ცნობები

18. ვებ-გვერდზე არ მოიძიება ადმინისტრაციულ ხელშეკრულებათა ბლოკი/განყოფილება, სადაც მოყვანილი იქნებოდა სამსახურსა და ფიზიკურ/იურიდიულ პირებს შორის, აგრეთვე, სამსახურსა და სხვა საჯარო დაწესებულებას შორის გაფორმებულ ადმინისტრაციულ (სამოქალაქო/სამართლებრივ) ხელშეკრულებათა ჩამონათვალი და პირობები.

19. ვებ-გვერდზე არ არსებობს (ქვე-)განყოფილება, სათაურად „ტენდერები“, სადაც განთავსდება სამსახურის განხორციელებული სახელმწიფო შესყიდვებისა (გამოცხადებული ტენდერები, კონკურსები და სხვა სახის სახელმწიფო შესყიდვები) და განხორციელებული სახელმწიფო ქონების პრივატიზების (ელექტრონული/საჯარო აუქციონების, პირდაპირი მიყიდვის, სხვა გზით) ამომწურავი ჩამონათვალი (სია) და ასევე, სამსახურის მიერ განხორციელებული სახელმწიფო შესყიდვებისა და სახელმწიფო ქონების პრივატიზების (ელექტრონული/საჯარო აუქციონების, პირდაპირი მიყიდვის, სხვა გზით) შესახებ ინფორმაცია.

(პროექტ „საჯარო ინფორმაციის მონაცემთა ბაზის“ ფარგლებში, რომელსაც ახორციელებს „ინფორმაციის თავისუფლების განვითარების ინსტიტუტი“, საქართველოს ფინანსთა სამინისტროს საგამოძიებო სამსახურისათვის მიმართული ოფიციალური წერილით მოთხოვნილ იქნა 2011 წლის პირველ კვარტალში (სამი თვე) განხორციელებული სახელმწიფო შესყიდვებისა (გამოცხადებული ტენდერები, კონკურსები და სხვა სახის სახელმწიფო შესყიდვები) და განხორციელებული სახელმწიფო ქონების პრივატიზების (ელექტრონული/საჯარო აუქციონების, პირდაპირი მიყიდვის, სხვა გზით) ამომწურავი ჩამონათვალი (სია), რომელიც მოწოდებულ იქნა, რაც შესაძლებელს ხდის სამსახურის მიერ ამ ინფორმაციის ვებ-გვერდზე განთავსებას. მოცემული ინფორმაცია შესაძლებელია მოძიებულ იქნეს შემდეგ ბმულზე: http://www.opendata.ge/pdf_files/finanstasagamodziebo_shesvidvebi.pdf).

- საჯარო დაწესებულების საკადრო უზრუნველყოფა

20. ვებ-გვერდზე მართალია არსებობს განყოფილება, სათაურად „ვაკანსიები სტაჟირება“ თუმცა მისი შიგთავსი ცარიელია:



სასურველია, აღნიშნულ განყოფილებაში განთავსდეს ვაკანსიათა არქივი, აგრეთვე, საჯარო თანამდებობათა დასაკავებელი კონკურსის შედეგები (სამსახურის მიერ კანდიდატთა პერსონალური მონაცემების ვებ-გვერდზე განთავსების საფუძვლებზე (თანხმობის მიღება) მითითებით, საჯარო თანამდებობათა დასაკავებელი კონკურსის პროცედურებისა და შედეგებთან დაკავშირებული პრეტენზიების წაყენების, მათი ადმინისტრაციული წარმოების გზით გასაჩივრების წესის აღწერა და ა.შ.

➤ **საჯარო დაწესებულების დაფინანსება და ხარჯთაღრიცხვა (ბიუჯეტი)**

21. ვებ-გვერდზე არ არის წარმოდგენილი სამსახურის საქმიანობასთან დაკავშირებული ფინანსური ხასიათის არანაირი ინფორმაცია:

- არ მოიძიება სამსახურისათვის გამოყოფილი სახელმწიფო ბიუჯეტით გათვალისწინებული ყოველწლიური ასიგნებების შესახებ ინფორმაცია;
- არ მოიძიება სამსახურის ბიუჯეტში ასახული შემოსავლებისა და გასავლების / ბიუჯეტის შესრულების ბალანსისა და ბიუჯეტის ასიგნებების ხარჯვის შესახებ ზოგადი ინფორმაცია;
- არ მოიძიება საჯარო სამსახურებრივი უფლებამოსილების განმახორციელებელი თანამდებობის პირთა ჩამონათვალი და სამტატო ერთეულზე გათვალისწინებული ფინანსური განაკვეთების შესახებ ინფორმაცია; *(პროექტ „საჯარო ინფორმაციის მონაცემთა ბაზის“ ფარგლებში, რომელსაც ახორციელებს „ინფორმაციის თავისუფლების განვითარების ინსტიტუტი“, საქართველოს ფინანსთა სამინისტროს საგამომიებო სამსახურისათვის მიმართული ოფიციალური წერილით მოთხოვნილ იქნა 2011 წლის 23 მაისი მდგომარეობით, ფინანსთა სამინისტროს საგამომიებო სამსახურის საჯარო*

სამსახურებრივი უფლებოსილების განმახორციელებელი თანამდებობის პირთა ჩამონათვალი (თანამდებობის პირთა ვინაობა (სახელი და გვარი) სა თანამდებობის სახელწოდება), რომელიც მოწოდებულ იქნა, რაც შესაძლებელს ხდის სამსახურის მიერ ამ ინფორმაციის ვებ-გვერდზე განთავსებას. მოცემული ინფორმაცია შესაძლებელია მოძიებულ იქნეს შემდეგ ბმულზე:


http://www.opendata.ge/pdf_files/finanstasaqamodziebo_tanamdebobispirebi.pdf);

- არ მოიძიება სამსახურის სრული სისტემის თანამშრომლებზე გაცემული ხელფასების, დანამატების და დარიცხული პრემიების წლიური ოდენობების შესახებ ინფორმაცია; (პროექტ „საჯარო ინფორმაციის მონაცემთა ბაზის“ ფარგლებში, რომელსაც ახორციელებს „ინფორმაციის თავისუფლების განვითარების ინსტიტუტი“, საქართველოს ფინანსთა სამინისტროს საგამოძიებო სამსახურისათვის მიმართული ოფიციალური წერილით მოთხოვნილ იქნა 2011 წლის პირველ კვარტალში (სამი თვე), ადმინისტრაციისა და სრული სისტემის თანამშრომლებზე გაცემული ხელფასებისა და პრემიების საერთო კვარტალური ოდენობების შესახებ ინფორმაცია (კონკრეტულ პირთა ვინაობაზე მითითებების გარეშე), რომელიც მოწოდებულ იქნა, რაც შესაძლებელს ხდის სამსახურის მიერ ამ ინფორმაციის ვებ-გვერდზე განთავსებას. მოცემული ინფორმაცია შესაძლებელია მოძიებულ იქნეს შემდეგ ბმულზე:

http://www.opendata.ge/pdf_files/finanstasaqamodziebo_xelfasipremia.pdf);


- არ მოიძიება სამსახურის შესაბამისი სამართლებრივი აქტის საფუძველზე ან/და საკუთარი ინიციატივით განხორციელებული იმ პროექტებისა და პროგრამების (სოციალური, მიზნობრივი, კვლევითი, სამეცნიერო, საგანმანათლებლო, ამა თუ იმ სფეროს განვითარებაზე მიმართული და მისთ.) სავარაუდო და ფაქტობრივი ხარჯთაღრიცხვა, რომელთა დამკვეთს, შემსრულებელს ან რეალიზაციაში რაიმე სახით მონაწილე მხარეს წარმოადგენს სამსახური;
- არ მოიძიება უცხო სახელმწიფოთა მთავრობების, საერთაშორისო ორგანიზაციების, სხვა დონის სახელმწიფო ერთეულების მიერ სამსახურისათვის გამოყოფილი ფინანსური დახმარების (გრანტები) ხარჯთაღრიცხვა.

შეფასება ვებ-გვერდის ელექტრონული კომპონენტის მიხედვით:



ვებ-გვერდის ელ-მმართველობის ხარისხი

■ ტექნიკური პარამეტრის არსებობა ვებ-გვერდზე



➤ ნავიგაცია

ვებ-გვერდის რუკა დაპროექტებულია საკმაოდ რთულად. უპირველეს ყოვლისა, რუკის არასტანდარტული სტრუქტურა ურთულესს მომხმარებელს ვებ-გვერდზე ნავიგაციას. ასევე, იმის გამო, რომ რუკის ნახევარი არის წარმოდგენილი ქართულ ენაზე, ხოლო მეორე ნახევარი ინგლისურ ენაზე, რთულდება მასზე მუშაობა:

[Site Index AZ]

0-9 ა ბ გ დ ე ვ ზ თ ი კ ლ მ ნ ო პ ყ რ ს ტ უ ფ ქ ღ ყ შ ჩ ც ძ წ ჯ ჰ

V	TOP
Video Gallery -	
ა	TOP
არქივი -	
ბ	TOP
ბმულები -	
გ	TOP
ვიდეო გალერეა - ვაკანსიები სტაჟირება - ვიდეო გალერეა -	
დ	TOP
იურიდიული დოკუმენტები - ისტორია -	
ე	TOP
კანონი - კანონქვემდებარე აქტები - კონტაქტი -	

➤ ძიება

საქართველოს ფინანსთა სამინისტროს საგამოძიებო სამსახურის ვებ-გვერდის ძიების მოდულში ინფორმაციის ვერ მოძიების შემთხვევაში, აუცილებლად უნდა ჩნდებოდეს შესაბამისი შეტყობინება (მესიჯი). საიტზე კი მსგავს შემთხვევებში მხოლოდ ცარიელი გვერდი გამოდის:




➤ მარტივად აღქმის კრიტერიუმები


ვებ-გვერდის პირველ გვერდი საკმაოდ გადატვირთულია ინფორმაციით, რის გამოც პირველი გვერდის (ინტროს) სრულად ჩატვირთვა გვიანდება:




ვიდეო გალერეაში ამჟამად განთავსებულია მხოლოდ ერთი ვიდეორგოლი. ვიდეოს მოცულობა იმდენად დიდია, რომ სტანდარტული ინტერნეტ პაკეტის მომხმარებელს უჭირს მისი ჩატვირთვა:



ვებ-გვერდის ინგლისურ ვერსიაში სამსახურის ლოგო და სახელწოდება მოცემულია ქართული ფონტით:



ვებ-საიტის ის გვერდები, რომლებიც დამუშავების პროცესშია, ან რომელზეც ინფორმაცია დროებით არ არის ატვირთული, გახსნისას აუცილებლად უნდა იძლეოდეს შესაბამის ინფორმაციას შეტყობინების (მესიჯის) სახით და აღნიშნული გვერდები არ უნდა იხსნებოდეს მხოლოდ ცარიელი გვერდის სახით:




საქართველოს ფინანსთა სამინისტროს საგამოძიებო სამსახურის დომენურ სახელწოდება არ შეიცავს GOV აღნიშვნას, რაც ჩვენი აზრით აუცილებელი სტანდარტი უნდა იყოს საქართველოში მოქმედი ყველა ადმინისტრაციული ორგანოსთვის. სასურველია, რომ საქართველოს ფინანსთა

სამინისტროს საგამოძიებო სამსახურის ვებ-გვერდის მისამართი ამ ფორმატშიც იყოს წარმოდგენილი - [www.is.gov.ge](http://is.gov.ge):



➤ საკონტაქტო ფორმები და წესები

საიტის კონტაქტის გვერდზე საქართველოს რუკა არ ჩანს მთლიანი ფორმატით (აფხაზეთის ავტონომიური რესპუბლიკის ნაწილი ჩამოჭრილია):



ვებ-გვერდის კონტაქტის გვერდზე არ არის წარმოდგენილი საჯარო დაწესებულების, მათ შორის მისი ტერიტორიული ორგანოების, საკონტაქტო ელექტრონული ფოსტის მისამართები, რაც თავისთავად ართულებს საიტის მომხმარებლის მხრიდან ონლაინ კომუნიკაციას საქართველოს ფინანსთა სამინისტროს საგამოძიებო სამსახურთან:

აღიწი	სიახლეები	კონტაქტი	საიტის რუკა
		<p>მცხეთა-მთიანეთი საგამოძიებო სამსახური მცხეთა-მთიანეთის სამმართველო ქ. მცხეთა, დვინჯილიას ქ. ქუჩა N 5 ტელ: +995 (32) 26 22 67</p>	

➤ **სინტაქსურად გამართული პროგრამული კოდი**

ვებ-გვერდის ინგლისური ვერსიაში, ლოგოზე დაჭერით ვხვდებით საიტის ქართულ ვერსიაში, რაც უხეში პროგრამული შეცდომაა:



➤ უსაფრთხოება

ვებ-გვერდზე დაშვებულია მნიშვნელოვანი პროგრამული შეცდომა:

Server Error in '/' Application.

Runtime Error

Description: An application error occurred on the server. The current custom error settings for this application prevent the machine.

Details: To enable the details of this specific error message to be viewable on remote machines, please create a <customE "mode" attribute set to "Off".

```
<!-- Web.Config Configuration File -->

<configuration>
  <system.web>
    <customErrors mode="Off"/>
  </system.web>
</configuration>
```

Notes: The current error page you are seeing can be replaced by a custom error page by modifying the "defaultRedirect" at

```
<!-- Web.Config Configuration File -->

<configuration>
  <system.web>
    <customErrors mode="RemoteOnly" defaultRedirect="mycustompage.htm"/>
  </system.web>
</configuration>
```

პრობლემა არის ცვლადების ფილტრაციის არ ქონა.

ჩვენ არ ვაქვეყნებთ უსაფრთხოების ხარვეზის შესახებ დეტალურ ინფორმაციას, თუმცა საქართველოს ფინანსთა სამინისტროს საგამომიებო სამსახურის შესაბამისი პირების დაინტერესების შემთხვევაში, მივაწვდით ტექნიკური ხარვეზის შესახებ სრულ ინფორმაციას;

ვებ-გვერდის ზოგადი შეფასება

საქართველოს ფინანსთა სამინისტროს საგამომიებო სამსახურის ვებ-გვერდი არ შეესაბამება თანამედროვე ტექნიკურ და სტრუქტურულ ტენდენციებს. მასზე არ არის განთავსებული ისეთი მნიშვნელოვანი მოდულები, როგორც მაგ. დეტალური ძიება, საბეჭდი ვერსია, ინტეგრაცია სოციალურ ქსელებთან და სხვა.

ასევე, უნდა აღინიშნოს, რომ ვებ-გვერდზე არის პრობლემები უსაფრთხოების კუთხით, რადგან ინფორმაციის გადაცემის დროს არ იფილტრება ცვლადები.